

یای گلدی

اوشاقلنغمئزدا یایش یاخئنلاشب گلمه سینی، قاباقجا مدره سه میزین چیگیننده دایئ نئن دو کائنا گلن اوشقون، دالئی چاغاللا، الچه ایله یالاما، اقایه لرین «بسم» شکیل لی گول لری گورسده ردی. یایش اوزو اوچون خصوصی بیر ایش گورولمه زدی. یانی الہ کی، قش اوچون زومار و هر ایش یایدا گورولردی یای اوچون هیچ آیری بیر فصلده تداریک گورولمزدی. یای دا، یاز کیمی اوزو گلہ ردی و اوزو ده گده ردی. بیزلیک بیر ایش وار ایدی؟! یای آما گلکمک هاما مدره سه لر اوچ آی تامام، ۹۳ گون بیر قلمه، آراسی کسيلمه دن باغلاندنغندان اوزونو گورسده ردی.

بیزلر قش چئخاندان، قاردان، سئوقدان قورتولاندا، ایلین سنا چاتماستنا، ینی ایلین گلمه سینه الہ کی، سونجک دوشه ردیک و دوشوروک ده، یادئمئزدان چئخاردی کی، بیر نچه آی سُر، هاما بو هالا هئنا ایله قارشلادنغمئز ایلین، قئوب چئخب ایشی نین دالئسنا گتمه سینی ایسته یه جه بیگ. و بیر آیری ینی ایل گلمه یی گوزله یه جه بیگ کی، هاما اُونو اُون دا باشنا گتیره ک. دا بیلمه زدیک کی، بو ایلین، و هر ایلین لاپ بره کتلی زمانئ الہ هاما بو یای دی. یازدا یمیش یخدو کی. هر نه یاز توره دیر یایدا الہ گلہ جکدیر. بیز هر راحتچئلغی و بل لوغو یایدا تاپماقلا اُون اوچون هیچ بیر زاد سازلامزدیق. الہ بیل یایش برجو ایدی کی، بلہ الہ سین، بلہ اُلسون. بس بیزیم بیرینه، برجوموز زادئمئز یخ ایدی کی!؟

آما یر کوره سینین بیر آیری بوچاغئندا کی، قصادان یایی دا بیزیم یایدان قئسسا اُلاردی، بو فیکره دوشدولر کی، بالام، بو یای اوچون ده کی، بیز تعطیلات اوچون، گز مه یه، داغا چئخماغا، دنیزه دوشمه یه، چیمرلیکده اوزانئب اوزونو گونه ورمه یه اُنو چُخ واخت صبر سیزلیک له گوزله بیریک، بیر ایش گوره ک. ۳۵-۳۶ ایل بوندان قاباق، فرانسه اؤلکه سینده کی، عاده ته دؤنموش ساغ حزب لر ایش باشنا گلہ ردیلر، از قضای ربانی پیشیک یدی مورابانی، سُل، یا سُلخای بیر حکومت ایش باشنا گلدی. سسیالیست حزبی طره فینده ن کاندیدا اُلان و بوتون اُبیری سُل لار، اُندان دا اُیانا سُل اُلمایانلار دا فرانسوا میتران آدلئ بیر عدلیه و کیلی نی پرزیدنت سچدیلر. بونون دؤرونده اؤلوم جزاسی عدلیه دن یئغئشدی، و رادیو تلویزیوندا اُزمانا کیمی اُلمامئش آزادلق لار وریلدی و بو تشکیلاتلار دؤلتین انحصارئندان چئخدی. بو زماندا اُرادا «جک لائق» آدلئ بیر کولتور وزیر ی تاپئلدی و یایش ایلک گونونو رسمی یای بایرامی اعلان اتدی. کی بلہ نچی بیر گجه ده هر کیم، هر چالقی آلتی چالا بیلر، گتیریب کوچه لرده و محله لرده دؤشه ییب چالا بیلین. و بوردان دا اُون آدی موسیقی بایرامی اُلدو. اُولاده ن بو بایرام فرانسه شهرلرینده کوچه باجادا بایرام توتولار.

نچه ایلده ن بری من ده بو گجه نی چئخب گدیب موزیکه قولاق آسارام. تک ده قولاغئمی ایشتمک اوچون آسارام، گوز ده دُلاندئرام. دونن گجه گندیگیم یر پرلاشزین بؤیوک گیریش قاتپئسی دوزبه دوزونده کی خیواندا یوز مترجه آرالئ بیر بیسترو ایدی کی، هامئ نئن تایی بیستروان نچه قات بؤیوک کوچه ده دؤشه میشدی. میز باشندا کئتلارئن بؤیوک چُخلوغو جوانلار ایدی، اُغلانلی، قئزلی.

موزیک باشلامئش دان و سُر دا، چالقی چالئناندا قارشندا و یانلاردا اُتورانلار دا گوز گز دیریردیم. دُغرودان دا دیه بیلهره م کی، هر جور پرسناژ، حتی ویکتور هوقونون رومانلاری پرسناژلارئندان، من آیری و اخت کوچه لرده راست گلمه دیگیم، یا گوزومده ن یاینئمئش اُلا بیلن، پرسناژلار گوزه ده بیردی. بیر قاری، بالاجا،

یوماق، اوزو ده قوز خانم گلدی اُتوردو نیمکت اوسته و جوان بیر قتر هوهسی ایله قولاق آسدی. باشنی و ال قونو ترپیدیدی. بیر ساعات جان اُتوردو. بو، دورهادوردا، بیر آیری هامان یاشدا خانم دا گلدی ایله شدی اُنون یانندا. بونون باشی دوم آغ، اوزو بیر ۴۰-۵۰ کیلولوق بالاجا قادن ایدی. اوجوزلو، آما تمیز آغ خالی گوی دُن گیمیشدی. ایله شدی و چُخ ماراقلا اوزون زمان موزیکه، اُخوماغا قولاق آسدی. چُخ احتمال لا ادا منیم تایم بو موزیک لرین چُخونو قاباقجا اشیتمه میشدی، آما ایستیردی اشیده گوره نجه دی.

چالقئ نُن باشلانما سندان بیر ساعات سُرا بالاجا دؤرد بش یاشلی اوشاق، یکه بیر اوشاق مالی ترومپتله گلیب قارئشدی اُرکستره، و پشه کار چالقئچی کیمی ترومپتین قونو آشاغی یوخاری چکیددی.

بیر ساعات سُرا یاشلی بیر آواد، تکهرلی بیر صنده لده اُتورموش ارینی سوروب گتیردی بیر میز باشنا قُیدو.

اؤز کیفینی میز اوستونه قُیوب گندی گورسون یمه لی دن، ایچمه لی دن نه تاپار، یا به یه نر. ار ده چُخ طبیعی

حالدا، اؤز جیبینه باخان کیمی، آروادن کیفینی اُچدی ایچینه اؤتری باخدی و باغلا دی. سُرا بیر پاپروز

چُخاردئب یاندردی و اُتوردو آروادئ گوزله دی. آرواد ایکی بالا کاغاز ایستکاندا ایچگی گتیردی و

ایله شدی. ادا بیر پاپروز چُخاردئب ارینه قُشولدو. گجه یارئسنا جان اُتوردولار دانشدئتلار، قولاق آسدئتلار.

سُرا آرواد دوردو، و ارینی گتیردیگی کیمی سوروب و لابود یاخئنلاردا اُلان اولرینه آپاردی. من هر تههر فیکر

ایچینده اُلاراق، اُلاری گوزدهن ایتنه جان ایزله دیم. بو گجه، بو چالقئ، بو یئغئناق و بیر بله آدام، چُخو دا جوان،

اُلماسایدی، اُر آرواد هارا چُخئب گده بیله ردیلر؟ مزاحمت سیز، گیریش پولو ورمه میش، پاپروز چکمه لره سؤز

دمه میش یر تاپاردئتلار؟ هاردان یانلارئندا اُتوران، دوران، ایچهن، دیب گولن جوان تاپاردئتلار کی، اُلارا جوانلئق

هاواسی گتیره یدی؟ کیشی نین لابود اوزونون جوانلئغی، صنده لده اُتوراق اُلمایان زمانئنی یادئنا سالایله ردی؟

اوچ دؤرد ساعات چکه ن چالئب اُخوماقدا اشیکده ن بیر نچه جوان دا بیر نچه دقیقه لیک اُلموشسا دا، اُرکستره

قُشولدولار. تاندئقلاری و باشاردئقلاری اُخوماغی اُخویانلا قُشولوب اُخودولار و اُندان برک حظ آپاردئتلار.

بیرینی سُسیال سسلیردیلر. اُخوماقدا ماهنی یا، سؤزله اؤز اجتماعی شعارلارئنی هامان هاوادا یرلشدیریب

اُخویوردو و هامی چپیک چالئزدی.

بیر آیری جوان دا تاندئغی بیر اُخوماغی گلیب گیتارچی نُن یانندا اُخودو و ددیلر کی، بو گون اُنون دُغوم گونو

دور و اُبونو اؤزونو بیر کادو کیمی حساب ادیر.

من دوراندا، یاخئن زمانلاردا رحمته گتمیش یلداشئم منوچهرین سؤزو ایله، قره قره نی چُخدان مینمیشدی، آما

چُخ میز باشندا کی لار و آیاق اوسته کی لر هله ترپشمک و گتمک بیلمیردیلر. بله نچی بیر گجه ده، مترو دا سحره

کیمی آچئق قالار کی، بیر آز چُخ ایچمیش جوانلار اتومبل سوروب اؤزلرینی و یلداشلارئنی خطره

سالما سئتلار.

موزیک بایرامی ایچینده و چالقئ نُن شیرین یرینده، جوان قُجایا، ینی یتمه قاری یا، ساغلام صنده ل اوسته کینه

قارئشاندا ذهنیمده ن گچدی کی، یاشاسئن وارلئق، یاشاسئن حیات!

محمد علی